

# Kontuola

ANTZUOLA / Egubakoitza / 2005eko martxoaren 4a / 235. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

## Gazte mailako taldea igoera faseko lehenengo postuan dago

AINZANE IRIZAR

Benetan denboraldi bikaina egiten dihardute gazte mailako futbol taldeko mutilek. Denboraldiko lehen zatian oso ondo ibili ziren eta igoera faserako sailkatzea lortu zuten. Orain, berriz, lehenengo postuan daude, jokatutako partidu guztiak irabazita.

Urtarriletik igoera fasea jokatzen dihardu AKEko gazte mailako futbol taldeak. Iaz kopa irabazi zuten gazteek, eta aurtan, oraindik ezer aurreratzeko goiz den arren, lehenengo mailara igotzeko aukera handia dute.

Bi taldetan dihardute igoera fasea jokatzen. Euren taldean, lehenengo postuan daude antzularrak. Bosgarren jardunaldia izan zen aurreko asteburukoa, eta lau partidu jokatu dituzte; laurak irabazi dituzte. 12 puntu dituzte; 16 gol sartu dituzte eta 3 bakarrik jaso dituzte euren atean.

Beasain dago bigarren postuan, 10 punturekin, eta Gure Txokoa hirugarrenean, sei punturekin.



ARTXIBOA

Orain arte bezala jarraituz gero, lehenengo mailara igotzeko aukera du gazte mailako taldeak.

Oraindik bederatzi jardunaldi geratzen dira igoera fasea amaitzeko. Zortzi partidu jokatu behar dituzte antzularrek.

Oraindik bederatzi jardunaldi geratzen dira igoera fasea amaitzeko. Zortzi partidu jokatu behar dituzte antzularrek.

Aurreko asteburuan, berriz, Oiartzunen aurkako partiduan, 6-1 irabazi zuten Antzuolako gazteek Estalan.

## KULTURA

### Pello Añorga ipuin kontalarariaren saioa izango dugu zapatuan, Udal Liburutegian

AINZANE IRIZAR

Udal Liburutegiak antolatuta, ipuin kontaketa saioa izango dugu bihar, zapatua, arratsaldean. Liburutegian izango da saio hori, 18:30ean. Pello Añorga oiartzuarra etorriko zaigu honako honetan.

Ipuin kontalarien artean ezagunenetakoa dugu Pello; irakaslea, idazlea eta ipuin kontalaria dugu.


#### IPUINAK KONTATZEA LANBIDE

Oiartzungo ikastolan irakasle zen Pello, ipuinak kontatzeko

zaletasuna piztu zitzaionean. Hogei bat urte darama Euskal Herriko txoko guztietako umei eta ez hain umei ipuinak kontatzen.

Ikastaroak ere ematen ditu, ipuinak kontatzen ikasteko; apirilean, esaterako, Bergaran bertan emango du horrelako ikastaro bat.

Hainbat liburu idatzi ditu Pello Añorgak; hala nola, *Pottokoren otsoa*, *Pottoko tripontzia* eta *Bide majikoa*. Poesia liburuak ere argitaratu dira, *Jiran-Biran* eta *Zupankapaloo*, hain zuzen ere.



OARSOALDEKO HITZA

Pello Añorga oiartzuarrek hainbat ipuin kontakuko dizkie umei zapatuan.

## LABUR

### Erretiratuek irteera egingo dute Markinara

Martxoaren 15ean, martitzena, Markinara irteera egingo dute erretiratuek. Bazkalestean joango dira. Arretsinagako San Migel, Simon Bolibar museoa eta Zenarruzako Kolejiata bisitatuko dituzte. Hilaren 11n eta 12an, 18:00etatik 19:00etara, salduko dituzte txartelak, 8 eurotan. Irteera horretan, 60 lagunendak tokia dago autobusean.

### 'Océanos de fuego' filma eskainiko dute gaur gauean

Gaur, egubakoitza, *Océanos de fuego* filma eskainiko dute Olaran etxeko aretoan. 22:00etan.

Domekan, berriz, ohiko moduan, umeen txanda izango da. Oraingo astean, gauean, euskarazko filma ikusteko aukera izango dute neska mutikoek, *Yolanda eta arrosa beltzaren sekretua*, hain zuzen ere. 16:30ean izango da astero bezala.

## KIROLA

### PARTIDUAK

#### FUTBOLA

Martxoak 5  
10:00: Antzuola-Ordizia (Infantilak)  
12:30: Antzuola-Elgoibar (Neskek)  
16:00: Antzuola-Amaroz (Erregionalak)  
Martxoak 6  
12:00: Antzuola-Eibartarrak (Kadeteak)

#### PILOTA

Martxoak 5  
18:00: Olalde-Ikaskirola (Kadeteak)  
Ondoren: Olalde-Eibar (Nagusiak)

### EMAITZAK

#### FUTBOLA

La Salle 4 Antzuola 1 (Erregionalak)  
Antzuola 6 Oiartzun 1 (Gazteak)  
Soraluze 3 Antzuola 6 (Kadeteak)  
Arizmendi 3 Antzuola 5 (Infantilak)

#### PILOTA

Udaberri Saria  
Olalde-Eibar (Kadeteak eskuz)... 22-9  
Bergara-Olalde (Nagusiak eskuz) 22-8

## IRAKURLIAREN TXOKUA

### MENDIZALE TASUNA ETA ARROLA

Gaur egun, esan dezakegu mendizale tasuna gorantz doala, gero eta mendizale gehiago dagoela eta honek poztu egiten gaitu. Urte luzetan hainbat mendizalek, gurasok eta mendi taldeak egin duten ahaleginari esker, gorabehera guztien gainetik eta akatsak ere egin ditugula onartuz, egindako lanak emaitza onak eman dituela esan dezakegu eta gazteengan joera eta bide batzuk jorratu direla; nahiz eta gaztetan mendira joateari utzi berriro bueltatzen ikusten ditugu.

Arrolari buruz zer esan! 33 urteko ibilbidean lankide ugari izan dituela (zoritzarrez denok ez gaude hemen, oroitzapen gazi-gozoak eta jasotako ikasgai onak besterik ez datozkigu eurengandik). Hainbat irteera eta ekintza interesgarri antolatu dituela. Gaur egun egoera kezkagarria dugu; batzordea osatzeko arazoak ditugu, gure ohitura onenetako bati (batzordekideak bi urte egoten dira) jarraitzeko denon ahalegina eta laguntza behar dugu honek duen aberastasuna mantentzeko, alde batek eramangarriagoa delako eta bestetik kide berriak ibilbide, izaera eta portaera desberdinekin taldea indarberritu egiten duelako.

Hemendik eskaera egin nahi diegu, alde batetik, nagusiei, euren esperientzia behar beharrezkoa delako; bestalde, gurasoei, euren seme alabekin edo ingurukoekin elkar lanean mendizale tasuna bultzatzeko; eta bukatzeko, gazteei, euren proposamenak eta sasoia taldeak eskertuko duelako.

Egia esan, juntan sartzek ardua apur bat eskatzen du baina dudarik gabe esan dezakegu esker oneko lana eta erabat aberasgarria dela.

ARROLAKO BATZARRA

## ELKARRIZKETA

JOSE LUIS SANTAMARIA/MARISTA

# “Barne formaziorako zentroa eta Probintziako Etxea zen Antzuolakoa”

A.I.

**S**an Joseren irudiaren 75. urteurrenereko ospakizunen barruan, Jose Luis Santamariak berbaldia egingo du egunean, hilak 10. Erakusketa 18:30ean inauguratuko dute; horren ondoren izango da berbaldia.

### Zela iritsi zinen Antzuolara?

Batxilergoko ikasketak maristetan egin nituen, eta laugarren ikasturtea egitera Antzuolara joan nintzen, 1957. urtean. Salvador Irizar antzuolarra izan zen gure zuzendaria garai hartan. Ondoren, marista sartzeari erabakitzeko prozesuarekin eta ikasketekin jarraitu nuen Antzuolan. Abituak ere hantxe hartu nituen. Irakasle ikasketak egin nituen gero eta formazio prozesuan zebiltzan mutilen irakasle jardun nuen Antzuolako barne formaziorako zentroan.

### Eta maristak zela iritsi ziren herrira?

Lehenengo, 1903. urtean, Oñatira joan ziren, Frantziatik; eta Oñatitik, berriz, Antzuolara. Herri-tar batek eraikin bat egin zuen Antzuolan, moja batzuek; azkenean, baina, moja horiek ez ziren joan eta maristek izan zuten eraikina erosteko aukera. Horrelaxe joan ziren. Probintziako Etxea eta barne formaziorako zentroa zen Antzuolakoa. Hantxe zegoen probintziako administrazioa. Denetik zegoen etxe hartan; bitxikeria moduan, aipagarria da hantxe zegoela sotanak egiteko jostuntza.

### Ze eragin izan zuten maristek herrian?

Nik uste dut eragin txikia izan genuela; guk geure bizitza egiten genuen eta ez ginen gehiegi barneratu herriko bizimoduan. Nobiziotzaz aparte, herri eskola txiki baten ardurara ere bazuten maristek eta horixe izango zen, beharbada,



KONTUOLA

herriarekin izan zuten harreman handiena.

**Orain dela gutxi eraitsi zuten maristena izandako erai-**

**kina. Pena hartu duzu?**

Bai; gauza asko bizi izan nituen hantxe eta jakin nuenean, pena hartu nuen.



## Arrolakoak herria ezagutzen

Aurreko domekan Antzuolako mendiak ezagutzeko ibilaldia antolatu zuen Arrola mendizale elkarteak. Zortzi lagunek bakarrik parte hartu zuten, baina ondo baino hobeto pasatu zuten.

Aurtengo neguko protagonista, elurra, hain zuzen ere, izan zuten protagonista domekan ibilaldian ere.

Plazatik irten, eta San Blas-en gora, Irimora joan ziren lehendabizi; gero, Trekutzen behera, kalera berriro.

Ea, bada, hurrengo baten jende gehiago animatzen den, inguru ederrak ditugu-eta ikusteko!/A.I.

**LARREA**  
**TABERNA**

Kalebarren 17  
ANTZUOLA

**ANTZUOLA**

Apainketak eta  
isolamenduak  
Pladurrezko dibisioak

Kalegoi 21 ANTZUOLA  
676 997 400  
Biltegia: 943 78 70 40

*Tomas Gezalaga*

Apainketarako eta  
industriarako pinturak

Paper margotuak

Moketak eta tapizatuak

Kalegoi 21  
Tel.: eta faxa 943 76 64 07  
Poltsikokoa 616 277 999  
ANTZUOLA / BERGARA

**GAILUR**

taberna eta  
gozotegia

Buztinzuri 13 ANTZUOLA  
Tel.: 943 78 70 32

*Tomas Gezalaga*

Zoruen kutxilatze  
eta  
bernizatzea

Kalegoi 21  
Tel.: eta faxa 943 76 64 07  
Poltsikokoa 616 277 999  
ANTZUOLA / BERGARA